



Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicacionem Pagina
Indicabit

V. P. Gasparis Druzbicki, Societatis Jesu, In Dominicas Anni Totius
Meditationes

Druzbicki, Kaspar

Ingolstadii, 1732

VD18 9006643X

Dominica IV. post Pascha.

urn:nbn:de:hbz:466:1-45459

mutatur, quique nunquam recedet à te, quia
gaudium tuum nemo tollet à te, sed erit Dilectus
tuus tibi, & ad te conversio illius in æternum.

DOMINICA IV.

Post Pascha.

1. *Et nemo ex vobis interrogat me, quo vadis?*

Joan. 16.

Merito JESUS conqueritur de iis, qui com-
municantes, eum non interrogant, Quo
vadis? Quo vadis? quique nihil considerantes
eorum quæ agunt, cum quo, aut quomodo
agunt, Corpus Domini non dijudicant. O Do-
mine quo vadis? ad mense vadis? ad peccatri-
cem creaturam tuam, ad fugitivum debitorem
tuum, ad proditorem tuum, ad locum plenum
hororis, squaloris, sordium, immunditiæ, vani-
tatis, superbiæ? O Domine! quo vadis? Da
mihi, piè JESU, penetrando cognoscere quo va-
dis, quando ad me in Sanctissimo Sacramento
vadis? Sed adhuc interrogo Domine JESU,
Quo vadis, ad eum quem ad gloriam tuam
creasti, ad eum quem sanguine tuo emisti, ad
eum quem infinitis beneficiis in singula mo-
menta afficis? ad eum quem de millibus in ser-
vum, in discipulum tuum, in amicum, in spon-
sum tuam elegisti. Rursum Domine JESU inter-
rogo, Quo vadis? de sinu Patris, de gloria, de
adorationibus, & laudibus Angelicis vadis ad
me? An finis meus nobilior paterno sinu? an
anima mea cælum? an cor meum gloria tua? an
ego te purius castiusque adoro, quam Angeli
sunt? O Domine Quo vadis? Sed vadis ditare
paupe-

pauperem, sanare infirmum, solari mœstum, solidare contractum, erigere jacentem, sustinere ruentem, visitare hospitem, beare miserum. O! amo te mi JESU, summum meum bonum, & benedico pietati tuæ Sed & te interrogo o homo, Quò vadis? an eò quo vadere debes, an ad eum, qui te in mundum misit, ut salveris? an ad eum qui te quærit, ut damneris? vadisné ad eum statum, ad eam religionem ad quam vocaris, vel ad eum locum à quo fugere deberes? Hoc tuo opere quo vadis? Spectasné Deum in eo & gloriam ipsius? an aliquid temporaneum? hac tua inconstanti vivendi ratione quo vadis? ad perfectionemné? ad Deum? ad cælum? an aliò? Cur non dicis intellectui tuo subtilia magis quam utilia quærenti, Quò vadis? Cur non voluntati falsa bona magis, quam solida quærenti, & amanti Quò vadis? Cur memoriam Deum non memoranti non dicis, Quò vadis? Cur non dicis iudicio tuo aliena censuranti, sua verò laudanti, Quò vadis? Cur non affectibus se immoderatè exercentibus, cur non oculis vanè curiosèque circumspectantibus, cur linguæ murmuranti, detrahenti, mordenti, invidenti, gulæ sese saginanti, deliciasque appetenti non dicis, Quò vadis? Cur antequam quidquam proloquaris, non dicis verbo tuo, Quò vadis? Cur intentioni operum tuorum non dicis, Quò vadis? Ecce via qua pergis præcipitio terminatur, opera quæ exerces in ignominiam tuam desinent. Cur salutis tuæ oblitus, tanto studio divitias, voluptates, robur potentiam, ac vanitatem quæris? Quò sectando ea, vadis? Alloquere inuper creaturas omnes, & quære ex his, Quò

G. DILLZ =
 Bicki
 Operi ascet.
 Tomus III
 N. V
 58

Quò vadis? Vita mea quo vadis? tempus, forma, species, doctrina, scientia, imperium, maiestas, Quò vadis? O caro, munde, peccatum quò vadis? in quid verteris? quò me pertrahis? ô æternitas quo vadis? quousquẽ duras, quibus concluderis terminis!

2. *Expedit vobis ut ego vadam.*

Quò expedit proximis meis communique saluti, ut ego proficiam, Mea enim obsistunt peccata, quominus multorum à Deo per me procuraretur salus. Dic ergo proximis tuis in corde tuo; Nunc expedit vobis ut ego me primum ad vestram salutem exerceam, olim meus procurandam. Expedit vobis, ut vadam pro vobis exorare Dominum, ut me labori contemptui, inopiæ, confusionsi, pro salute animarum vestrarum exponam. Expedit vobis, ut sim vobis exemplo bono, si sum vestrum aliquibus occasio peccandi. Expedit vobis, ut me à familiaritate vestra separem. Expedit vobis sensus mei, caro mea, ut vos durius in hac vita tractem, et vobis melius olim sit in futura: quoniam tantum in gloria proficiemus, quantum in hac vita vobis ipsis vim inferemus.

3. *Si ego non abiero, Spiritus Sanctus non veniet ad vos.*

Uide quàm difficile sit & animæ & corporis suavitatem simul habere, cum Corpus Christi videri & simul Spiritus Sanctus haberi non possint. Despice ergo bona transeuntia & visibilia: Despice voluptates & solatia externa, ut experiri possis interna. Tantum proficies, quantum tibi vim intuleris.

4. *Multa*

4. *Multa habeo vobis dicere.*

Paratus est Deus tibi multa dare, si tu solummodo paratus esses accipere; Tolle impedimenta, tolle externa onera. Quomodo enim terrenis onustus desiderijs, portare poteris cælestes thesauros? Melie implendus es, at si accito es plenus, quo mel repones? O te stultum si terrenis posthabeas cælestia! Quid prodest tibi si universum mundum lucreris, animæ verò tuæ detrimentum patiaris?

5. *Non loquetur à semetipso.*

Spiritus Sanctus non loquitur à semetipso, tu autem si quid boni ad ædificationem profers à temetipso dictum putas? ô pudor! Spiritus S. de alieno sumit, tu te sufficientem existimas: ex te, tanquam ex te aliquid cogitare posse putas; non ex Spiritu Sancto hoc est: is enim de alieno loquitur; at ex spiritu maligno, hic enim de proprio loquitur, unde & continuo mendacia loquitur. O si Ecclesia illis abundaret prædicatoribus, qui non à semetipsis loquantur, sed quasi sermones Dei. Da mihi mi JEsu, ut nunquam à memetipso loquar, sed quæcunque à te audiam, hæc loquar & enuntiem alijs.

6. *Non loquetur à semetipso.*

Num nescit à semetipso loqui? utique ipse est, qui arguet mundum, qui convincet mundum de peccato, de justitia & judicio: numquid ergo pro semetipso loqui nesciet, qui etiam alium convincet? Num à semetipso loqui non licet? nempe; mihi vindictam, & ego retribuam, ait Dominus. Nescit mansuetudo Christi defensionem, nescit à se ipso, pro semetipso

g. DILLZ =
Bicki
opere abceet
TOMUS III
N: V
58

no loqui, unde & JESUS in judicio tacebat, nec defendere volebat.

7. *Arguet mundum.*

Dignus mundus qui arguatur; Dignus quoque ille à quo arguatur. Quis enim verax Spiritu Sancto? quis nequior mundo? mendax est mundus, & à quo mendacii convincendus est? nonne & omnis homo mendax? Sanctissime Spiritus, qui solus verax es, veni, & convince mundum mendacii sui, argue eum peccati, quod facit; argue eum justitiæ, quam non facit; argue eum judicii, quod reformidat.

8. *Ille me clarificabit.*

Volo me clarificet os hominum, lingua mendax, lingua adulatoria, ignara quid lateat homine; ille me clarificabit aliquando, qui solus claritatis lucem inaccessibilem inhabitat, in cujus dextera sunt honores. O utinam, homo, solius ejus clarificatione contentus, omnes laudes humanas, omnes reputationes vane despicias! ô utinam quoque in omni opere tuo, hoc solum mihi solatium sit; Ille me clarificabit. Valeant censuræ hominum, valeant laudes eorum, Deum specto; Ille me clarificabit.

DOMINICA V.

Post Pascha.

1. *Creditis quia à Deo exivi.* Joan. 16.

Redimus etiam hoc mi JESU, te à Deo exisse; quia Te præsentem in Sanctissimo Sacramento credimus, agnoscimus, & supplices te adoramus, amamus, ac sumimus. Existi nimirum à Deo, ut nos duceres ad Deum: Existi à

V. P. Druzb. Op. X.

L

Deo,